



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 2. Quænam sint causæ iustæ negandi debitum.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

certe esse in ea etate ut non sit periculum inconvenientia, id est, circiter sexaginta annorum; ut patet ex Cap. Cum his. & Cap. Ad Apostolicam, De conuersione coniugatorum. Similiter si vir ingrediatur Religionem, vel sacros Ordines suscipiat, necesse est etiam vxorem ingredi Religionem; vel ut sit proiecta etatis. Hoc autem diuortium fieri non potest sine auctoritate Episcopi.

Si sine eis. sensu coningis profiteatur.

Dico Secundò: Si alter, coniux sine alterius consensu profiteatur, professio est irritanda, & reddendus est coniugi. Non potest autem talis libere petere debitum: tenetur tamen reddere vxore petente. Mortua autem vxore tenetur seruare castitatem; non tamen tenetur ingredi Religionem; quia respectu Religionis votum fuit irritatum, non autem respectu castitatis, nisi quatenus vxori praeiudicabat, videlicet quo ad redditionem debiti, non autem quo ad petitionem.

Si vxor manet in seculo.

Dico Tertiò: Si vir ingrediatur Religionem consentiente vxore, sed manente in seculo, si quidem ipsa consensit, quia ignorabat Iura, putans se posse manere solutam in seculo, professio viri est irritanda: unde restituenda est coniugi, nisi coniux ante moriatur. Quod si ipsa sciuit lus, cogenda est etiam ingredi Religioum, nisi protestata fuerit cum consentire, se nolle fieri religiosam.

Si aliter consensum reuocet.

Dico Quartò: Si coniux coniugi facultatem dedit Religionis ingredienda, & eam reuocet ante professionem, peccat quidem si sine iusta causa id faciat, alter tamen non potest profiteri. Vide Dominicum Soto dist. 27. qu. 1. art. 4. & Nauarum cap. 12. nu. 60.

CAPVT VI.

De fide & prole.

D V B I V M . I.

Vtrum Coniuges teneantur sibi mutuo debitum reddere?

115 Affirma-

R Espondeo: Tenentur coniuges sibi mutuo debitum reddere, & quidem pari iure, idque sub peccato mortifero. Est certa: Apostolus 1. ad Corinth. 7. v. 3. *Vt, inquit, vxori debitum reddat: similiter & vxori viro.* Vbi nota verbum *Debitum*, quod obligationem iustitia insinuat. Confirmatur: Quia ita debetur, sicut domino debetur visus rei suæ. Quare cum sit in re graui, erit peccatum mortiferum contra iustitiam, si negetur.

Dico, *Pari iure*, quia etsi in administranda familia non sit par ius vtriusque, sed vir sit caput mulieris; in liberorum tamen procreatione est aequalis: quia hic vxor non est inferior, sed socia; unde ex costa procreata est, non ex capite, vel pedibus. Confirmatur ex Apostolo, qui eodem modo loquitur de vxore atque de viro.

Negas debitum peccat.

Hinc sequitur semper peccare coniugé negantem, quoties alter petit tanquam debitum, nisi iusta negandi causa suppetat.

D V B I V M . II.

Quanam sint causa iusta negandi debitum?

116 Periculu- gradis morbi.

R Espondeo: Prima iusta causa negandi dubitum, est periculum grauis morbi. Nam iure naturæ quilibet sibi magis, quam alteri consu-

lere potest. Hinc Leproso, vel simili lue infecto non tenetur Coniux sanus cum periculo contagij debitum reddere; nempe si vel eius vitum in contractu ignorauit, vel si post contractum superuenit. Aduerte tamen, si non sit probabile contagij periculum (quod iudicio Medicorum cognoscitur) teneri coniugem reddere debitum. Sic intellege Capitulum *Quoniam*, de coniugio Leprosum. Vide Caetanum verbo *Matrimonij peccata*.

Secunda Causa est, periculum abortus: nam vinculum Matrimonij non adstringit contra matrimonij finem.

Tertia Causa est, Sanctitas loci. Aduerte tamen, si coniuges diu in loco sacro versati cogantur, ut interdu sit tempore belli, non esse peccatum ibidem vti matrimonio, nempe si humana fragilitas vrgeat, & alio loco commodo careant. Ita Richardus dist. 32. art. 3. q. 1. Silvester verbo *Conseratio* 2. §. 6. Alphonsus Castro lib. 1. de lege panali cap. 7. documento 2. Sotus dist. 32. art. 3.

3. Sanctas locas.

Couari 2. parte cap. 7. §. 2. nu. 3. Ratio est: quia tunc non polluitur Ecclesia, cum non censeatur loco sacro fieri irreueentia, sicut neque dum sanguis licet effunditur in necessaria sui defensione.

Solemnitas festi non sufficit ad negandum debitum, vt colligitur prioris ad Corinth. 7. v. 5. Nolite fraudare inuidem, nisi ex consensu, ut vacatis orationi: potest tamen precibus declinare. Petere autem tunc ordinari est veniale.

Quarta Causa, Fornicatio coniugis, ob quam in perpetuum negari potest: ut supra dictum est.

Quinta Causa, Menstrua coniugis. Nota: est duplex genus menstruarum. Quoddam enim est 117 Menstrua. perpetuum, sicut fluxus sanguinis Hæmorrhoides, quam Dominus tactu fimbriæ curavit Matthæi 9. v. 20. & hoc non impedit quod minus coniuges possint petere & reddere debitum, vt communiter Doctores docent. Ratio est: Quia non debent perpetuo priuari suo iure ob aliquod incommodum, quod forte proli eveniret: quamvis probabilius nullum incommodum fecuturum, eo quod proles ex tali non videatur suscipienda. Eadem est ratio si vir patiatur fluxum seminis.

Aliud autem est Ordinarium, quod suis periodis recurrat, & feminis sanis solet singulis mensibus eueniare. Si vxor tunc debitum petat, omnium sententia peccat, non tamen mortaliter, vt doceat valde bene D. Antoninus 3. p. Summa tit. r. c. 20.

§. 5. & Paludanus dist. 32. q. 1. Dominicanus Soto eadem dist. ar. 2. & Caetanus in Summa, verbo *Matrimonij peccata*. Et ratio est: Quia non est tantum periculum proli, vt experientia docet, vt debeat senseri peccatum mortale. Et confirmatur:

Quia leprosi vel infecti morbo gallico si copulentur, multo maius periculum est infectionis proli; & tamen isti coniuges non peccant mortaliter: Non peccat reddendo. Satis enim est prolem sic esse, quam non esse. Vxor tamen, si non posset maritum precibus auertere, non peccat reddendo: imo tenetur reddere, vt Matitus peccat ve- ijde Autores docent. Ob eandem causam solùm cialiter perendo, peccat venialiter maritus, si debitum petat, sciens vxorem menstrui affectam.

Dices: Leuitici 20. iubetur interfici mulier menstruata, & qui ad eam accesserit: ergo vtterque peccat mortaliter; videlicet, tam reddens debitum, quam petens. Et confirmatur: quia Leuit. 18. accedere ad mulierem menstruam patientem, ponitur inter crimina ob quæ gentes illæ Chananeæ

H h h iiij interne-

internecione sint delete. Vnde videtur etiam esse contra legem naturae. Quod confirmatur: quia D. Hieronymus in cap. 18. Ezech. dicit ex tali coniunctione nasci claudos & leprosos, & imbecilles: vnde sequitur gratum iniuriam inferri proli. Ob has rationes Sotus dist. 32. putat esse peccatum mortale in menstruis non solum petere, sed etiam reddere debitum. Sed quod diximus tenendum est, iuxta communem Doctorum sententiam. Vnde

Legaliter erat mortale accedere ad menstruatam. **N**aturaliter vero foliis ve- male. Respondeo: Legem illam partim suisse ceremoniale, partim naturalem. Quatenus erat ceremonialis, habebat adiunctam penitentiam mortis: sicut & multa alia ceremonia, quae tamē Iure nature non erant illicita, sicut colligere ligna die Sabbati, retinere fermentatum diebus azymorum, comedere sanguinem. Et hoc modo illo tempore obligabat ad mortale peccatum. Ceterum haec obligatio in lego noua cessavit, & tamen remansit obligatio naturalis: nam accedere ad menstruatam, indecentiam quandam continet, & proli nonnulli est periculum. Sed hęc res non est tantum ut inducat peccatum mortale. Nam illa indecentia est parui momenti, & ordinatio non est periculum proli: nam plures nascuntur cum talibus defectibus, quod tamen non videmus & quāvis esset aliquod periculum proli, non tamen ideo esset periculum peccati mortalis, vt iam dictum est, & recte docet D. Antoninus supra. Hinc patet responsio ad testimonium Hieronymi.

Ad Primam Confirmationem: Respondeo, præcipua peccata, ob quæ gentes illæ delata sunt, suisse incestus, adulteria, Sodomiam, bestialitate & idolatriam, quæ semper humanū offerebant idolo. Accedere autem ad menstruatam erat minimum. Ponitur tamen cum illis magnis peccatis, quia tantum ibi agitur de peccatis carnalibus. Et veniale peccatum adiunctum alijs mortalibus, semper est causa punitionis temporalis.

Paupertas autem, & liberorum multitudine, non est sufficiens causa negandi debitum, quidquid dicat Sotus. Ita Silvester verbo Debitum coniugale, §. 10. Nauar. cap. 16. nu. 24. & alij. Quia quod ex iustitia debetur, non potest negari ob incommode, quod proli ex paupertate obueniet.

DVBIVM III.

Vtrum coniux occuli forniciatus possit petere debitum coniugale?

Respondeo: Verius est, posse petere tanquam debitum: quod est contra Nauarum. Ita Caetanus tom. 1. tractatu 29. & Sotus dist. 36. ar. 3. Ratio est, quia per fornicationem non statim ipso facto priuatus est suo iure, sed per coniugem vel iudicem est priuandus: neque vero tenet se aperire. Confirmatur exemplo filii, qui commisit crimen in parentem, ob quod potest exhortari; qui tamen non est exhortatus, nisi actu priuerit.

Adde tamen, Non posse maritum tunc per vim debitum extorquere: nam vxor habet ius negandi, et si ignorat. Vnde si vis ei inferatur, fieri illi iniuria.

DVBIVM IIII.

Vtrum Maritus possit petere & reddere, dum dubitat de Matrimonij firmitate?

Respondeo, & Dico Primo: Si sit quodammodo certus, matrimonium suisse inualidum,

nec petere potest, nec reddere, et si aliquam suspicionem in contrarium habeat: quia non habet probabilem rationem quā iudicet hanc suam esse vxorem.

Dico Secundo: Si sit moraliter certus Matrimonium suisse validum, et si habeat leues conjecturas in contrarium, non solum potest reddere, sed etiam petere. Nam leues conjecturas non faciunt dubium, sed scrupulum. Scrupulus enim est apprehensio inclinans ad iudicandum esse illicitum ex leibus conjecturis. Haec duo dicta habentur Capitulo Inquisitioni, de sententia excommunicationis.

Dico Tertio: Qui bona fide contraxit, si dubium de firmitate matrimonij postea si incidenter, de contractenetur diligentia inquirenda veritati adhibere; per quam, si nihil certi inuenierit, manetque adhuc dubius, potest petere & reddere. Ita Sotus lib. 4. de Iustitia qu. 5. art. 4. contra Adrianum. rede, & dist. 37. art. 5. Est communior sententia. Ratio est; quia in dubio, nemo priuandus est suo iure quod possidet; nam Melior est conditio possidentis: iuxta regulam Iuris in 6.

Dices: Capitulo Dominus, De secundis nuptijs, Lucius 11 I. ait, Eum, qui adhuc dubitabit de morte prioris coniugis, non posse debitum petere; teneri tamen postulantem reddere. Et Capitulo Inquisitioni, Innocentius III. dicit, Cum conscientia pulsat animum ex probabili credulitate, & discreta, quamvis non evidenti, debitum reddere quidem posse, sed petere non debere; ne in alterutrum vel contra legem coniugij, vel contra iudicium conscientia committat offendan.

Respondeo: Omissis varijs sententijs, Lucium III. loqui de eo, qui mala fide contraxit; scilicet nondum habita certitudine coniugis demortuæ, quod eriam testatur Panormitanus: nos vero loquimur de eo, qui bona fide contraxit, cui postea dubitatio incidit. Innocentius agit quidem de eo, qui bona fide contraxit, sed qui, postquam incidit dubitatio, non praestitit debitam diligentiam in inquirenda veritate; vt Sotus notauit.

Dico Quartu: Qui contraxit cum dubio, debet coniugi bona fide postulantem reddere debitum; sed non potest petere. Est communis sententia Doctorum, præter Sotum, qui putat in hoc eventu nec petere posse, nec reddere. Sed nostra sententia colligitur ex D. Tho. in Additionibus, qu. 55. art. 9. in fine. Bonaventura dist. 36. in expositione littera. Ioanne Medina Codice de Restitutione qu. 17. Nauar. cap. 22. nu. 54. & Commentario in Cap. Si quis, de Peccantia, dist. 7. Couarruia 2. parte cap. 7. §. 2. nu. 8. Hi namque auctores loquuntur generatim, & comprehendunt etiam eum qui mala fide contraxit.

Probatur Primo: Ex cap. Dominus, de Secundis nuptijs, vbi id expressè habetur. Neque verum est, Pontificem loqui in foro exterio, vt Adrianus exposuit: nam quarebatur an tales nuptiæ essent licita, & an eatum usus licitus esset? Respondet Pontifex debere reddere debitum, non petere. Neque etiam Sotus exposicio satisfacit, qui vult Capitulum intelligi de eo, qui bona fide contraxit: nam expressè agitur de eo, qui mala fide contraxit, nempe cū dubio de morte prioris coniugis. Deinde si ageretur de eo, qui bona fide contraxit, falsum esset quod ibi dicitur; nempe, Non posse petere debitum.

Probatur

118
Paupertas non excusat.

119
Affirmatur.

No potest tamen extorquere.

120

Si contraxisti cum dubio, coniugis bona fide reddere non potest.